



# Cumün d'Ardez

## Sezzüda da la suprastanza nr. 11/09 dals 02-06-2009

**Preschaints:** la suprastanza cumünala e la chanzlista  
Chasper Alexander Felix per la tractanda 1

### S-chüsats:

#### Tractandas:

1.	Via quartier Curtinatsch	582
2.	Trattativa controllas pulizialas radunanza cumünala dals 26-05-2009	583
3.	Credit restructuraziun dal sunteri refuormà	584
4.	Credit restructuraziun dal sunteri catolic	585
5.	Discussiun a regard credits in radunanza	586
6.	Dumonda da fabrica tet dal lö da rument a Bos-cha	587
7.	Salaschada in cumün	588
8.	Uorden da parcar	589
9.	Contribuziun ESTAG	590
10.	Orientaziuns e varia	

## FABRICA

### 05.

#### 1. Via quartier Curtinatsch

582

Il schef infrastructura orientescha chi sajan gnüdas offridas las lavuors per asfaltar la via da Curtinatsch. Sar Chasper Alexander Felix dal büro d'indschegners Caprez orientescha chi s'haja invidà 5 interpraisas per offrir las lavuors. L'offerta la plü favuraivla importa fr. 235'000.00 sainza ipv. El orientescha chi detta differentas pussibilitats per la via dal quartier Curtinatsch. La prüma pussibilità füss da far be las vaschas per cha camiuns ed autos possan transir. La segunda füss da far be üna part dal catram e'ls urs da la via. La terza varianta füss da far tuot il catram culs urs. La suprastanza cumünala discuta sur da las variantas pussiblas. La suprastanza cumünala es da l'avis cha per catramar fingià uossa la via saja massa bod.

Decisiun: La suprastanza cumünala decida da far be las vaschas per cha autos e camiuns possan transir sülla via e conceda il credit da fr. 40'000.00 per quellas lavuors. Las lavuors da catram vegnan spostadas per almain ün on.

## PULIZIA

### 30.

#### 2. Trattativa controllas pulizialas radunanza cumünala dals 26-05-2009

583

Il capo orientescha cha d'ürant la radunanza cumünala dals 26-05-2009 saja gnü fat ün sbagli formal. Ün votant vaiva fat la proposta da vuschar la tractanda 4 controllas pulizialas, per scrutin. Quella proposta es gnüda sbüttada cun 11 cunter 17 vuschs. Causa cha'l maniamaint d'eira cha almain 2/3 dals votants ston approvar quella proposta per vuschar in scrit esa gnü vuschà avert. La constituziun cumünala art. 41 pretenda però be 1/4 da las vuschs valablas. Ün votant ha inoltrà üna protesta a regard quist sbagli formal e pretenda cha la votumaziun vegna repetida. Our dal motiv cha la decisiun da la radunanza es listess valabla, propuona il capo da preschantar la tractanda a la radunanza cumünala per la reponderaziun.

Decisiun: La suprastanza cumünala decida da suottametter la tractanda a la radunanza cumünala dals 9 gün 2009 i'l sen e cul proceder da dumonda da reponderaziun.

## SUNTERI

12.

### 3. Credit restructuraziun dal sunteri refuormà 584

Il schef dicasteri sunteri orientescha chi vegna prosegui cullas lavuors i'l sunteri refuormà: Tanter oter vain glerà il sunteri e fat ün depot pel s-chart e per las immundizchas. Previs sun eir duos plattas illa fossa cumünaivla per montar tablas da metal culs noms dals sepulits. El orientescha cha la lavur da glerar fetschan ils lavuraints da cumün cun agüd d'üna scoula. Ils cuosts da quista restructuraziun sun calculats cun fr. 6'000.00.

Decisiun: La suprastanza cumünala conceda il credit da fr. 6'000.00 per las lavuors previssas i'l sunteri refuormà.

### 4. Credit restructuraziun dal sunteri catolic 585

Il schef dicasteri sunteri orientescha chi s'haja cumanzà eir culla restructuraziun dal sunteri catolic. I sun gnüdas levadas bainquantas fossas. Implü dess gnir semnä tschisp e cumadà il mür da sunteri. Las fossas vegnan numeradas. Ils cuosts per quistas lavuors s'amuntan a fr. 4'000.00.

Decisiun: La suprastanza cumünala conceda il credit da fr. 4'000.00 per las lavuors previssas i'l sunteri catolic.

## ORGANISAZIUN CUMÜNALA

16.

### 5. Discussiun a regard credits in radunanza 586

Il schef infrastruttura fa la dumonda co chi saja culs credits chi vegnan preschantats a la radunanza, scha la suprastanza saja obliada a basa d'üna ledscha superiura da far üna investiziun. Implü fa'l la dumonda co chi saja cun imports büdschetats e scha quels hajan da gnir avant radunanza cumünala. La suprastanza cumünala discuta a regard quista tematica e sclerischa la situaziun eir culla cumischiun sindicatoria.

## FABRICA

05.

### 6. Dumonda da fabrica tet dal lö da rument a Bos-cha 587

Il schef da fabrica orientescha cha sü Bos-cha vegna construi ün tet per la staziun da rument. L'intent da fabrica d'eira publichà dals 07-05-2009 fin als 27-05-2009. Protestas nu sun entradas ingünas. Il permiss BAB es acconsenti. La cumischiun da fabrica ha tut suot ögl il proget e propuona da conceder il permiss da fabrica.

Decisiun: La suprastanza cumünala conceda il permiss da fabrica pel tet dal lö da rument a Bos-cha.

### 7. Salaschada in cumün 588

Il schef da fabrica orientescha chi nu saja prescrit illa ledscha da fabrica ingiò chi po gnir fat salaschada ed ingiò chi's po asfaltar. Per chi vegnan trattats tuot ils cas listess, fa la cumischiun da fabrica la proposta da laschar far illa zona dal cumün vegl in princip be salaschada. La suprastanza discuta a regard la fatschenda.

Decisiun: La suprastanza es da princip perincletta cha illa zona da cumün dessan las vias e plazzas gnir fattas cun salaschada.

**PULIZIA****30.****8. Uorden da parcar**

589

Il schef da fabrica orientescha cha l'inventar da las plazzas da parcar saja bod fini e chi saja da fuormar la cumischiun chi ellavurescha il uorden da parcar. Implü orientescha'l a regard quista lavur.

Decisiun: La suprastanza cumünala tschernä al capo Jonpeider Strimer, al schef infrastruttura Gian Linard Nicolay a Jachen Stuppan ed a Reto Strimer per la cumischiun uorden da parcar.

**Promoziun dal turissem in general****36.11.0****9. Contribuziun ESTAG**

590

La scheffa dicasteri turissem orientescha cha l'ESTAG haja fat la dumonda d'üna contribuziun per realisar üna campagna da marketing. Causa la crisa d'economia saja important d'investir in talas campagnas per evitar perditas da pernottaziuns. Ils cuosts totals per quista campagna s'amuntan a fr. 75'000.00.

Decisiun: La suprastanza cumünala decida da contribuir fr. 500.00 per quista campagna.

**10. Orientaziuns e varia**

Il capo orientescha ch'el nu possa tour part a la radunanza generala da la Gurlaina SA. Il schef da vias til substituisscha.

**10.1 Tuor Vonzun**

In sonda ils 13 da gün 2009 a las 16.00 ha lö la vernissascha da l'exposiziun da fotografias veglias d'Ardez e l'avertüra da la Tuor Vonzun.

**10.2 Sairada d'orientaziun ordinaziun executiva Curtinatsch**

Il schef da fabrica orientescha chi füss da far üna sairada d'orientaziun e discussiun a regard l'ordinaziun executiva dal quartier Curtinatsch. In mincha cas dess esser preschaint ün rapreschantant dal chantun, il cusgliader da fabrica sar Robert Obrist e sar dr. iur. Rudolf Viletta. Il termin per quista sairada vain fixà tanter ils 22 e'ls 26 gün 2009.

30-06.-09

In buna fai

La chanzlista:

Il capo: